



9482

Broj: 06-11-1156/24-4
Ilidža, 09.04.2024.godine

Na osnovu člana 70.Zakona o javnim nabavkama («Službeni glasnik BiH» broj 39/14 i 59/22), i preporuke Komisije za javne nabavke, donosi se

O D L U K A

O IZBORU NAJPOVOLJNIJEG PONUĐAČA ZA JAVNU NABAVKU BROJ 19/24

I

Ponuda ponuđača **BABEL d.o.o, Marka Marulića 2, Sarajevo**, u iznosu od **61.068,00 KM** bez PDV-a, proglašava se najpovoljnijom, za **JN 19/24 Nabavka mobilijara za sportsko-rekreativni centar u Butmiru**.

II

Ponuđač BABEL d.o.o, obavezan je u roku od 7 dana od dana prijema ove odluke ugovornom organu dostaviti uvjerenja iz člana 45. stav (2) tačka a), b) c), i d), Zakona o Javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

O b r a z l o ž e n j e

Na osnovu odluke o pokretanju postupka broj 06-11-1156/24-1 i obavještenja o nabavci broj 888-1-1-42-3-67/24 od 15.02.2024.godine i Ispravka obavještenja broj 888-1-1-42-8-88/24 od 19.03.2024.godine, pokrenut je otvoreni postupak javne nabavke za **JN 19/24 Nabavka mobilijara za sportsko-rekreativni centar u Butmiru**. Ponude su blagovremeno dostavili GLOVIS d.o.o, Poslovna zona Zenica 1, Zmaj od Bosne bb, Zenica, BABEL d.o.o, Marka marulića 2, Sarajevo i FLEX INVEST d.o.o, Vilsonovo šetalište 10, Sarajevo.

Analizom ponuda utvrđeno je da ponuda FLEX INVEST d.o.o, Vilsonovo šetalište 10, Sarajevo nije u skladu sa Tenderskom dokumentacijom, te se ista odbacuje.

Ugovorni organ je u Tenderskoj dokumentaciji između ostalog propisao da su ponuđači obavezni *uz ponudu priložiti kataloški list, uputstvo za montažu i način temeljenja mobilijara, opreme i ograde, kao i da katalog ili kataloški list treba sadržavati sliku/fotografiju nuđenog, te je potrebno tačno označiti model u katalogu koji se nudi*. Uvidom u dostavljenu katalošku dokumentaciju imenovanog ponuđača je utvrđeno da roba koju nudi za tačku. 1.9 i tačku 1.14 specifikacije roba nije u skladu sa traženim, odnosno nije u skladu sa tenderskom dokumentacijom.

Tačka 1.9 glasi specifikacije roba odnosno obrasca za cijenu ponude glasi: **NJIHALICA 03 Nabavka i ugradnja dvostruke njihalice u različitim oblicima u koju se može sjesti za manje uzraste. Fiksira se preko metalne opruge za podlogu. Na njihalici su postavljeni rukohvati i oslonci za noge, bez mogućnosti rotiranja. Sigurnosna zona njihalice je max 12 m2. Visina pada je max 50 cm. Oprema dječijeg igrališta mora biti izrađena prema grupi standarda EN 1176**. Ponuđač je u kataloškoj dokumentaciji naznačio da nudi njihalicu COMPACT SPRING RIDER HB414-PLANE, i iz dostavljenje kataloške dokumentacije je vidljivo da se radi o njihalici za jednog korisnika a ne o dvostrukoj njihalici kako je traženo Tenderskom dokumentacijom.

Također, tenderskom dokumentacijom je tražena korpa za smeće zapremine 40 litara a imenovani ponuđač je u kataloškoj dokumentaciji naznačio da nudi korpu zapremine 60 litara.



Ostali ponuđači su ispunili uslove iz tenderske dokumentacije odnosno dostavili su tražene dokaze.


Obzirom da je za ovu javnu nabavku predviđeno provođenje e-aukcije ugovorni organ je istu zakazao za 08.04.2024.godine. Nakon provedene e-aukcije, a na osnovu kriterija "najniža cijena," Komisija za javne nabavke utvrdila je konačnu rang listu ponuđača kako slijedi:

1. BABEL d.o.o, čija cijena ponude bez PDV-a iznosi 61.068,00 KM
2. GLOVIS d.o.o, čija cijena ponude bez PDV –a iznosi 61.130,00 KM

Imajući u vidu navedeno, Komisija je predložila Općinskom načelniku donošenje odluke o izboru ponude BABEL d.o.o kao najpovoljnije, te je odlučeno kao u dispozitivu

POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u tri primjeraka.



OPĆINSKI NAČELNIK
Nermin Muzur, magistar uprave

DOSTAVLJENO

1. Ponuđačima
2. Služba za komunalne poslove i infrastrukturu
3. Kabinet Općinskog načelnika
- ④ 4. Kabinet Općinskog načelnika (za objavu na WEB)
5. a/a

Izradio AlmedinM

Kontrolisao Benjamin M_

